

2001 nr. 88 31. maí

Lög um erfðaefnisskrá löggreglu

Tóku gildi 15. júní 2001. Breytt með l. 162/2010 (tóku gildi 1. jan. 2011), l. 126/2011 (tóku gildi 30. sept. 2011) og l. 90/2018 (tóku gildi 15. júlí 2018; EES-samningurinn: XI. viðauki reglugerð 2016/679).

Ef í lögum þessum er getið um ráðherra eða ráðuneyti án þess að málfefnasvið sé tilgreint sérstaklega eða til þess vísað, er átt við dómsmálaráðherra eða dómsmálaráðuneyti sem fer með lög þessi.

■ 1. gr.

□ Ríkislöggreglustjóri skal halda rafræna skrá með upplýsingum um erfðaefni einstaklinga og nefnist hún erfðaefnisskrá löggreglu. Tilgangur skrárinnar er að lögregla geti nýtt hana við rannsókn sakamála og til að bera kennsl á ákveðna menn.

□ Ríkislöggreglustjóri annast skráningu í erfðaefnisskrána og ber ábyrgð á skránni. Hann skal gæta þess að uppfyllt séu ákvæði laga um persónuvernd og [vinnslu]¹⁾ persónuupplýsinga og reglna sem settar eru á grundvelli þeirra um öryggisomat, öryggisráðstafanir og innra eftirlit.

¹⁾ L. 90/2018, 54. gr.

■ 2. gr.

□ Erfðaefnisskrá skiptist í:

a. kennslaskrá, með upplýsingum um erfðagerð einstaklinga sem um getur í 4. gr., og

b. sporaskrá, með upplýsingum um erfðaefni sem fundist hafa á brotavettvangi, eða á mönnum eða munum sem ætlað er að tengist broti, án þess að vitað sé frá hverjum þau stafa.

■ 3. gr.

□ Í erfðaefnisskrá skal eingöngu fára upplýsingar um nafn, kennitölu, heimilisfang og erfðagerð einstaklings ásamt vísun til dóms eða málsnúmera óupplýsts sakamáls.

□ Þegar erfðaefnisupplýsingar hafa verið unnar úr fyrilliggjandi lífsýni skal eyða sýninu.

■ 4. gr.

□ Í kennslaskrá má skrá upplýsingar um erfðagerð þeirra sem:

a. hlotið hafa refsídóm fyrir brot á ákvæðum X. kafla, XI. kafla, 108. gr., 164.–166. gr., 170.–171. gr., 194.–196. gr., 1. og 2. mgr. 200. gr., 201.–202. gr. 211. gr., 2. mgr. 218. gr., 1. mgr. 220. gr. og 252. gr. almennra hegningarlaga. Sama gildir um dóum fyrir tilraun og hlutdeild í þeim brotum;

b. sýknaðir hafa verið af ákærum um brot gegn þeim lagákvæðum sem getið er í a-lið, þar með talin tilraunar- og hlutdeildarbrot, vegna skorts á sakhaefi, eða dæmdir hafa verið til að sæta öryggisráðstöfunum skv. VII. kafla almennra hegningarlaga fyrir sömu brot;

c. tilgreindir eru í a- og b-lið og afþlána refsídóm uppkveðinn fyrir gildistöku laga þessara, sæta öryggisráðstöfunum eða hefur verið veitt reynslulausn og reynslutími er ekki liðinn.

□ Ekki má fára í kennslaskrá upplýsingar um önnur tilvik en greinir í 1. mgr. nema brýnar ástæður beri til og það hafi sérstaka þýðingu fyrir notagildi skrárinnar.

■ 5. gr.

□ Hafi lífsýni ekki verið tekið úr einstaklingi áður en fullnáðardómur gengur er heimilt að gera það innan sex mánaða frá uppkvaðningu dóms.

□ Tóku blóðsýnis annast læknir, hjúkrunarfæðingur eða meinatæknir. Dómfellda er skyld að hlíta þeirri meðferð sem talin er nauðsynleg vegna töku lífsýnis.

■ 6. gr.

□ Þegar upplýsingar um einstakling hafa verið skráðar á grundvelli 4. gr. ber ríkislöggreglustjóra að tilkynna honum skriflega um skráninguna og tilgang hennar.

■ 7. gr.

□ Upplýsingar sem skráðar hafa verið í kennslaskrá skal afmá:

- eigi síðar en tveimur árum eftir andlát hins skráða,
- eigi síðar en sex mánuðum eftir að hinn skráði hefur verið sýknaður eftir endurupptökumáls,
- þegar ljóst er að þær eru rangar eða hafa verið skráðar án tilskilinnar heimildar.

□ Upplýsingar sem skráðar hafa verið í sporaskrá skal afmá:

- þegar kennsl hafa verið borin á þann sem upplýsingarnar stafa frá,
- við fyrningu brots sem um er að ræða.

■ 8. gr.

□ Eftirtoldum yfirvöldum má veita aðgang að upplýsingum úr skránni:

- lögreglustjórum, ríkissaksóknara, [ráðuneytinu],¹⁾
- erlendum dómsstólum og erlendum dómsmálayfirvöldum þegar upplýsingar á að nota við rannsókn eða meðferð sakamáls, enda verði það talið samrýmanlegt íslensku réttarskipulagi,
- rannsóknarstofu sem annast greiningu erfðaefnis samkvæmt þjónustusamningi við [ráðuneytið],²⁾ að því marki sem nauðsynlegt er vegna rannsóknar eða meðferðar sakamáls.

□ Öðrum en þeim sem getur í 1. mgr. er ekki heimilt að veita aðgang að skránni, sbr. þó 2. mgr. 9. gr.

■ 9. gr.

□ Persónuvernd skal hafa eftirlit með því að skráning og meðferð skráðra upplýsinga sé í samræmi við lög þessi og reglur sem gilda um persónuvernd og friðhelgi einkaliffs. Persónuvernd skal einnig hafa eftirlit með því að öryggi skrárinnar sé tryggt þannig að óviðkomandi fái ekki aðgang að henni eða geti haft áhrif á skráningu í hana.

□ Persónuvernd hefur aðgang að skráðum upplýsingum og öðrum nauðsynlegum gögnum til að sinna eftirliti með erfðaefnisskrá.

□ Nú gerir Persónuvernd athugasemdir við starfrækslu skrárinnar og skal hún þá koma þeim og tillögum um úrbætur á framfæri við ríkislöggreglustjóra og [ráðuneytið].¹⁾ Að öðru leyti fer um heimildir Persónuverndar samkvæmt lögum um persónuvernd og [vinnslu]²⁾ persónuupplýsinga.

¹⁾ L. 162/2010, 169. gr. ²⁾ L. 90/2018, 54. gr.

■ 10. gr.

□ [Ráðherra]¹⁾ setur nánari ákvæði í reglugerð²⁾ um framkvæmd laganna, þar á meðal um færslur í skrána, aðgang að henni og eftirlit.

¹⁾ L. 126/2011, 328. gr. ²⁾ Rg. 748/2008.

■ 11. gr.

□ Lög þessi öðlast þegar gildi.